



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

73.21
Z-42

ՆՈՐ ՄԱՏԵՆԵՂԱՐԱՆ

ԺԲ

ԻՍ. ՅԱՐՈՒԹԻՒՆՅԱՆ

Ծ Ա Ղ Կ Ո Յ

(ՄԱՆԿԱԿԱՆ ՊԱՐՏԷՋ)

«Frisch, frei, fröhlich, fromm» .
«Թարմ, ազատ, ուրախ, համեստ» .

Թ Ի Ը Ի Գ

Տպարան Մ. Եսրամէի եւ Ընկ., Նիկ. 21.

1901

372.21
Z-42

ԻՍՏՆԱԿ ՅԱՐՈՒԹԻՒՆՆԵՐ

աշխատութիւնները

1. ՀԱՅՊՑ ԳԻՐԸ, պրակուած Սահ.-Մեարոպ. մրցա- նակով. զինն է 1 ռ. 50 կ.
2. ՀԱՄԼԻՌՕՏ ՏՐԵՄԸՆՆՈՒԹԻՒՆ. զինն է 1 ռ.
3. ԳԵՐՄԱՆԵՆՆԵՐԻ մանկավարժական բարձրագոյն հաստատութիւնների գործունէութ. և հայ ուսանողները. զինն է 40 կ.
4. ՆԵՐՍԻՍԵԱՆ ԳՊՐԸՆՈՑԻ սաների առաջին դպրոց. Ճանապարհորդութիւնը. յաւելուածով. զինն է 40 կ.
5. ՆԵՐՍԻՍԵԱՆ ԳՊՐԸՆՈՑԻ սաների երկրորդ դպրոցական Ճանապարհորդութիւնը. զինն է 20 կ.
6. ՍՏԵՓԸՆՆՈՍ ՊԵՆՏԸՆՆԵԱՆ. զինն է 25 կ.
7. ԱՀԱՆԵՐՏԻ ՅՈՒՇԱՏԵՏԻԸ. զինն է 30 կ.
8. ԶԳԱՅՄՈՒՆՔՆԵՐԻ ԱՀԻԱՐՀ (Աէրր Հայաստան). զինն է 30 կ.
9. ՍԱՆԱՀԻՆ. զինն է 30 կ.
10. ԻՄ ՕՐԱԳԻՐԸ. զինն է 25 կ.
11. ԾԱՂԿՈՑ (մանկական պարտէզ). զինն է 10 կ.

Տպագրութեան համար պատրատ է

12. Համառօտ հոգեբանութիւն.

372.21

2-49

4

120-10

ՆՈՐ ՄԱՏԵՆԱԿԱՐԱՆ


ԺԲ

ԻՍ. ՅԱՐՈՒԹԻՒՆՆԵՆ

Ծ Ա Ղ Կ Ո Ց

(ՄԱՆԱԿԱՆ ՊԱՐՏԷՋ)

«Frisch, frei, fröhlich, fromm».
«Թարմ, ազատ, ուրախ, համեստ»



Թ Ի Ճ Ի Գ
Տպարան Մ. Շարածէի և Ընկ., Նիկ. 21.

1901

1002
8679

50.828

10 JUN 2013

ՀԱՅԿԱՍՏԱՆԻ ԿՈՄՍՅՈՒՆԱՐԻ ԳՐԱԳՐԱԿԱՆ ԿԵՆՏՐՈՆ

56

ՀԱՅԿԱՍՏԱՆԻ ԿՈՄՍՅՈՒՆԱՐԻ ԳՐԱԳՐԱԿԱՆ ԿԵՆՏՐՈՆ

Дозволено цензурою, Тифлисъ, 17-го Января
1901 года.

ՀԱՅԿԱՍՏԱՆԻ ԿՈՄՍՅՈՒՆԱՐԻ ԳՐԱԳՐԱԿԱՆ ԿԵՆՏՐՈՆ

ՀԱՅԿԱՍՏԱՆԻ ԿՈՄՍՅՈՒՆԱՐԻ ԳՐԱԳՐԱԿԱՆ ԿԵՆՏՐՈՆ

ՀԱՅԿԱՍՏԱՆԻ ԿՈՄՍՅՈՒՆԱՐԻ ԳՐԱԳՐԱԿԱՆ ԿԵՆՏՐՈՆ
1901

Ն ու է ը

ՂՕՆԴՈՆԻ ՓՐԷՕՐԲԵԼԵԱՆ ԻՆՍՏԻՏՈՒՏԻ

ՈՒՍԱՆՈՂՈՒՀԻ ԱԶՆԻՒՐ ՕՐԻՈՐԴ

ՓԼ. ՅՈՎՀԱՆՋԱՆԵԱՆԻՆ

Հեղինակից:



Յ Ա Ռ Ա Ջ Ա Բ Ա Ն



Երջին տարիներս տեղական
լրագրական յայտարարութեանց
բաժնում յաճախ աչքի է
ընկնում նոր բացուող ման-
կական պարտէզների մա-
սին տեղեկութիւններ:

Տփլիսի հայ շրջանների համար մանկա-
կան պարտիզի գաղափարը նորութիւն չէ և
արդէն մի քանի տասնեակ տարիներ առաջ յա-
ջող գործադրութիւն էր գտել յարգելի Տիկին
Ս. Բաբայեանի նախաձեռնութեամբ և տօկուն
աշխատութեամբ: Այնուհետև հանգամանքները
փոխուեցան և մանկական պարտէզները գոյու-
թիւն չէին կարող ունենալ նոյն հիմքերով:

Այժմ բացուող և հետզհետէ շատացող
մասնաւոր մանկական պարտէզները թէև ուրիշ
հիմունքներով պէտք է գոյութիւն ունենան,

բայց այնուամենայնիւ մենք դրանց պահպանութիւնն օգտակար համարելով՝ սոյն համառօտ գրուածքով ուղում ենք բացատրել թէ ինչ ուղղութիւն պէտք է տիրէ այդ հիմնարկութեանց մէջ, որպէս զի ծնողները չխորշեն իրենց 4—6 տարեկան ընթոյշ սիրելիներին մանկական պարտէզ տալու զազափարից: Մեր խօսքը կը սահմանափակուի միմիայն տեսութեամբ, առանց մեթօդիկային վերաբերեալ խընդիրներ շօշափելու:

Տիփսիսի և միւս մեծ քաղաքների հայ բնակիչների կեանքն այժմ բոլորովին հեռի է բնական լինելուց և պարզ կենցաղավարութիւնից: Մեր երեխաները մատաղ հասակից սկսած անգործ են անցկացնում իրենց օրերը՝ փողոցում կամ բակերում շրջելով—հայրերն անկարող են հսկել՝ դուրսը զբաղուած լինելով, իսկ մայրերն եթէ ազբատ են՝ ծանրարեւոնուած են ընտանեկան գործերով, իսկ եթէ հարուստ են՝ երեխաներին թողնում են դայեակների ու ազախիւնների մեծ մասամբ անբարոյականացուցիչ ազդեցութեան ներքոյ—: Այդ է պատճառն ահա, որ մեր երեխաները դպրոց մտնելուց առաջ արդէն շատ անգամ իւրացրած են լինում ամենավատ և փողոցային յատկութիւններ, ու

րոնց ուղղելը կամ շատ դժուար է լինում ապագայում, կամ անկարելի:

Մանկական պարտէզը բարոյական ազդեցութիւն կարող է ունենալ՝ մատաղ սերունդն ազատելով վատ շրջանից, նախապատրաստելով տարրական և ապա միջնակարգ դպրոցների համար և մանուկներին սովորեցնելով աշխատասիրութեան և պարտաճանաչութեան:

Իսկ թէ սրբան մեծ նշանակութիւն են տալիս ծաղկոցին Եւրոպայում, պարզ ապացոյց է այն հանգամանքը, որ վերջերս Քերմանիայի կանանց ընկերութիւնների միութիւնը դիմել է կառավարութեանը, խնդրելով, որ ծաղկոցի դասընթացն ևս օրէնքով պարտաւորեցուցիչ համարուի երկու սեռի բոլոր երեխաների համար:

Իսահակ Յարութեանց

1901 թ. յունուար:

Տիփսիս:



անուկներին նպատակա-
 յարմար դաստիարակու-
 թիւնտալու համար՝ ան-
 հրաժեշտ է ճանաչել նը-
 րանց հոգեւոր կեանքը:
 Պեանրն արտայայտուում
 է գործողութեան մէջ,
 իսկ այն գործողութիւնը, որ յա-
 տուկէ բոլոր մանուկներին —
 խաղն է: Իւրաքանչիւր մանուկ խաղում է և պէտք
 է խաղայ, որպէս զի թէ Ֆիզիկապէս և թէ
 հոգեպէս զարգանայ: Խաղալու ձգտումն երե-
 խաների մէջ բնածին է. մի քանի շաբաթուայ
 ծծկեր երեխան արդէն կարծես խաղում է իւր
 մօր զգեստի ծոպերի հետ: Երեխան հէնց որ
 գիտակցաբար կարողանում է իւր անդամները
 շարժել, ձգտում է մի որ և է առարկայ ձեռք
 ձգել և նրանով զբաղուել: Նա հետզհետէ մե-
 ծանալով՝ նրա զգայարաններն էլ զարգանում

ենն և նա դիտում է իրեն շրջապատողների արածները և ձգտում է նմանուել նրանցը, փորձում է կրկնել նրանց արածները—նա արդէն խաղում է:

Ուտել—խմելուց ու քնելուց յետոյ մանկան միակ զբաղմունքը խափն է. խաղը նրա կեանքն է և ամբողջ կեանքը նրա համար մի խաղ է: Ըստ նրա հասկացողութեան ու ըմբռնման՝ խաղում է ամբողջ բնութիւնը, նրա ամբողջ շրջակայքը. խաղում են ոչ միայն մարդիկ ու անասունները, այլ և անկենդան իրերը:

Մեր հոգևոր զօրութիւններն երևան են գալիս շարժողութիւններով ու գործողութիւններով, հոգին չի կարող զարդանալ առանց գործողութեան. երեխաների գործողութիւնը միայն շարժողութիւնն է կամ շարժողութիւնների բարդութիւնը, այն է խաղը:

Ի նկատի ունենալով ուրեմն խաղի մեծ նշանակութիւնը մանուկների դաստիարակութեան համար, երեխաների խաղը չպէտք է թողնուի անխնամ և արտաքին հանգամանքների ազդեցութեան ենթակայ, այլ ընդհակառակը պէտք է առաջնորդել մանուկներին, որ նրանց խաղը նպատակայարմար և արդիւնաւոր լինի նրանց թէ՛ մարմնի և թէ՛ հոգու զարգացման համար: Մանկան խաղը նրա ձգտումների ազատ արտա-

յայտութիւնն է, իսկ այդ ձգտումները կազմում են ապագայ մտաւոր կեանքի սաղմերը. մանկական խաղերին նպատակայարմար ուղղութիւն տալով՝ պէտք է նպաստենք այդ ձրգտումների կանոնաւոր զարգացմանը, որպէս զի նրանք կարողանան ազատ աճել և առողջ պլատուղ տալ ապագայում:

Հասակաւորներս հեշտութեամբ կարող ենք դիտել, որ մանուկները բացի կերակրի պահանջից՝ շարժողութեան ձգտումն են ցոյց տալիս: Մանուկը ծնուելուց մի քանի օր յետոյ արդէն սկսում է շարժել իւր անդամները բնազդամբ—ինչո՞ւ, որովհետև այդ շարժողութիւնները կարևոր են նրա ամբողջ մարմնի կանոնաւոր զարգացման համար: Երեխան սկզբումն առանց մի որևէ նպատակի է շարժում իւր անդամները, բայց հետզհետէ, ժամանակի ընթացքում, այդ աննպատակ շարժողութիւններէց փոքր առ փոքր առաջանում է որոշեալ նպատակին հասնելու համար դիտմամբ կատարած գործողութիւնը. օրինակ օրորոցի երեխան անգիտակցաբար շարժում է իւր ձեռքերը և ոտները. դիպուածով նրա ձեռքն ու ոտըը դիպչում են այն կամ այն առարկային և այդպէս կրկնելով՝ նա փորձով հասկանում է, որ մի քանի առարկաներ իրենից հեռու են, մի քանիսը մօտիկ, մի քանիսը փա-

փուկ են, միւսները կոշտ: Այդպէս նա: երեխան սկզբումը գիտակցութիւն չունի, որ ինքը կարող է մի տեղից միւս տեղ փոխուել, բայց ոտքերի և ձեռքերի օգնութեամբ նա հետզհետէ կարողանում է իւր տեղը փոխել, մօտենալ իւր ցանկացած առարկային և վերջը՝ ման է գալիս:

Ուրեմն մանուկները հէնց ծնուելու օրերից սկսած՝ ձգտումն են ցոյց տալիս դէպի գործողութիւնը. դաստիարակութիւնն օգտուելով այդ բնատուր հանգամանքից՝ պէտք է ամեն կերպ աշխատէ զարգացնել այդ ձգտումը մանկան մէջ և կատարելագործէ, որովհետև մարդկային կեանքին առանց գործողութեան գոյութիւն չի կարող ունենալ:

Խաղերը մերենական-մարմնական գործողութիւններ չեն, այլ մանկական հոգուց բխած. խաղերի հիմքը գիտողութիւնն է. խաղի միջոցին մանուկը գործ է դնում այն, ինչ որ ստացել է տպաւորութիւններով: Երեխայի խաղը նիւթի զանազան ձևակերպութիւնն ու փոփոխութիւնն է, որոնեղու և ճանաչելու միջոցը— իւր ներքին աշխարհի արտայայտութիւնը— մի խօսքով խաղը բոլոր հոգեկան և մարմնական ոյժերի վարժութիւնն է: Խաղը միևնոյն ժամամանակ երեխայի թէ պարապմունքն է, թէ զուարճութիւնը և թէ գործը:

Մանկան խաղի մէջ գտնում ենք դիմագծերն ու շարժողութիւնները, խօսքն ու գործը ներքին կապով միացած. տեսնելի արտայայտութեանց հետ միանում են նաև լսելի արտայայտութիւնները և այդպիսով դաստիարակը միջոց ունի մանկանց խաղը դիտելով՝ գննել նրանց ներքին աշխարհը: Առհասարակ խաղը մատնում է մանկան հոգեկան աշխարհում տեղի ունեցած գործողութիւններն ու փոփոխութիւնները և այդ պատճառով ամենալաւ միջոցն է դաստիարակի համար՝ հետևելու մանկան հոգւոյ զարգացմանը:

Անգործութիւնից շատ շարիքներ են առաջանում և այդ պատճառով իսկ պէտք է մանուկների համար զբաղմունք և գործ գտնել— սակայն երեխայի զբաղմունքն ու գործը, ինչպէս ասացինք, խաղն է: Ազնիւ խաղի միջոցին երեխան չար բան չէ մտածում ու գործում. այս տեսակէտից էլ ասան խաղը հանդիսանում է իբրև կրթութեան ամենալաւ և ամենաբնական միջոցը. ամենամանկարդ ու վայրենի տղան էլ սիրելի է դառնում, երբ նրան իւր հասակի և պահանջի համեմատ խաղալու դիւրութիւն ենք տալիս: Խաղի միջոցին երեխան վարժում է կարգ ու կանոնի, ճշտապահութեան, եռանդի, հաստատամտութեան, հնազանդութեան —

կարճ՝ նա սովորում է այն ամենը, ինչ որ ապագայում պէտք է նրա բարոյական կեանքի հիմքը կազմէ: Այս բոլորն աւելի հեշտութեամբ ըմբռնում է երեխան խաղի միջոցով, քան թէ խրատով, կշտամբանքով ու յանդիմանութեամբ: Երեխան խաղի միջոցով ըմբռնում է այն ամենը, ինչ որ նրան շրջապատող մարդիկն ու բնութիւնը տալիս են և այդ պատճառով նրա խաղի մէջ գտնում ենք մարդկային գործունէութեան ամեն տեսակ սաղմեր՝ թէ արհեստագիտական, թէ արուեստին վերաբերեալ, թէ գիտնական և թէ բարոյական: Մանուկն արհեստաւորի արած ձևերը կրկնելով՝ խաղով ուզում է նրա գործը կատարել և այդպիսով շատ անգամ շնորհք ու ճարտարութիւն է ստանում: Քնութեան և արուեստի մէջ եղած գեղեցիկն էլ նրա ուշադրութեան է արժանանում և նա աշխատում է գեղեցիկ ձևեր կազմակերպել:

Այժմ մի հայեացք ձգենք խաղի նիւթի վրայ, որովհետև առանց նիւթի խաղ չի կարող լինել. ամեն մի խաղացող գոնէ մի խաղի առարկայ ունի, որի վրայ ուղղում է իւր գործունէութիւնը և կամ որը բաշում է նրան գէպի խաղը: Եթէ երեխայի ձեռքը խաղի իր շտանք, նա իր շրջակայքից կվերցնի այդ իրը, ուշադրութիւն չդարձնելով՝ թէ արդեօք այդ

իրը չափահասների համար ինչի տեղ է ծառայում: Թէև աւագը, քարի կտորները, փայտի կտորները և գնդակը հաճելի է երեխային, բայց նա վերցնում է նաև փոքրիկ նստարանները, գանակ, ժամացոյց, լուցկի, դրամ և այլն: — Երեխաները խաղում են թէ ամենահասարակ և թէ ամենաթանկագին, թէ անվնաս և թէ վնասակար իրերով, որովհետև նրանց համար բոլոր առարկաները ոչ այլ ինչ են երևում, եթէ ոչ իբրև խաղալիք:

Նրանք պահանջում են և այնպիսի խաղեր, ուր խաղացոյն ու խաղի առարկան միանում են՝ օրինակ նրանք վազում են իբրև ձի, թըռչում են իբրև գորտ, խօսում են իբրև հայր ու մայր, հաց են թխում իբրև հացթուխ և այլն:

Երեխայի ստացած առաջին տպաւորութիւնները մեծ ազդեցութիւն ունին նրա խելքի վարդացման վրայ. նրա ստացած գաղափարները կախումն ունին նրան շրջապատող իրերի պարզութիւնից, ուստի պէտք է երեխային շրջապատել այնպիսի խաղալիքներով, որոնք հասարակ ձևեր և պարզ գոյներ ունին. բաղադրեալ խաղալիքներն ու գոյներն երեխան չի կարող ըմբռնել:

Նայելով խաղի նիւթին՝ խաղը կարելի է երկու մասի բաժանել. Ա. խաղ անշունչ իրերի

հետ. և Բ. երբ երեխան ինքն իրեն է կամ իւր նմանների հետ է խաղում:

Մանկական պարտէզն առաջին կարգի խաղերի շարքն է դասում՝ գնդակը, գունդը և խորանարդ փայտիկներով խաղալը. իսկ երկրորդ կարգի խաղերը տեղի են ունենում քայլելով, թռչելով, վազելով, շրջան կազմելով և մատներով խաղալը, որոնք ընդհանրապէս կոչւում են *շարժողութեանց խաղեր*:


Ինչ վերաբերում է խաղերի իրապօրծմանը, պէտք է ասել, որ դաստիարակն երբէք չպէտք է ստիպէ երեխաներին այս կամ այն խաղն ընտրել, կամ թէ անպատճառ ինքը չպէտք է միջամտէ. սակայն նրա իրաւունքը և պարտականութիւնն է դիտել, հսկել և առաջնորդել մանուկների խաղերը և դաստիարակութեան նպատակներին յարմարեցնել: Նա պէտք է հսկէ, որպէս զի այնպիսի խաղեր չխաղացուին, որ վնասեն երեխաների առողջութեանը և բարոյականութեանը. ամենայն խստութեամբ պէտք է հեռացնել վնասակար խաղերը և կեանքի ու առողջութեան հետ չպէտք է կատակ անել: Արդեւ լուած պէտք է լինի նաև թունաւոր, սրածայր և կտրող իրերով խաղալը, կրակի, լուցիւ, ջրի և դիւրաւառ իրերի հետ խաղալը, որպէս զի գծրազղութեանց առիթ չտրուի:

Իսկ փողոցային և անբարոյական սաղմեր պարունակող խաղերը բոլորովին պէտք է մերժուին մանկական պարտիզի շրջանից:

Բացի մարմնի անդամների շարժողութիւնից, մանկական հասակում երևան է գալիս հողի հետ խաղալու և գետինը փորելու ձգտումն. երեխաները մեծ զուարճութիւն են գգում, երբ մատներով կամ փայտով փորում են հողը, փոքրիկ պարտէզ շինում, ածուներ կազմում և սերմ ցանում ու բոյսեր տնկում:

Մանկան այդ ձգտումն առիթ է տալիս մեզ նրա ուշադրութիւնը դարձնել բնութեան բերքերի վրայ և մանկական պարտէզը պէտք է օգտուի այդ հանգամանքից և թոյլ տայ երեխաներին մի փոքրիկ պարտիզում զբաղուելու այդ գործով:

Երբ մանուկը միմիայն դիպուածով է ծաղիկ քաղում, բոյսեր ծոզովում, այդ մի խաղ է նրա համար—ուրիշ ոչինչ. իսկ երբ երեխան պարտիզում ունի իւր սեպհական ածուն և սովորում է բահով, ցաքանով աշխատել, ածուն ջրել, քաղհանել՝ անհամբեր սպասում է թէ ի՞նչպէս պէտք է բուսնի իւր ցանած սերմը, ինչպէս ծլէ, կոկոն բռնէ, ծաղիկէ: Պէտք է տեսնել, թէ նա ի՞նչպիսի հրճուանքով է կտրում իւր աճեցրած բոյսի ծաղիկը և թռչկոտալով տա-



նում իւր մօրը տալիս: Նոյն գուարճութիւնն է զգում նա, երբ դիտում է ծաղկի հիւթը ծծող մեղուի գործողութիւնը, թռչունների, թիթեռների կամ բզեզների թռիչքը—մի խօսքով բնութեան մէջ կատարուած գործողութիւնները գրաւում են նրա ուշադրութիւնը և հետաքրքրութիւնն աւելի մեծ չափով, քան թէ գայեակներն ու գրքերը:

Մանկական պարտիզում պէտք է ուշադրութիւն դարձնել նաև երեխաների զգայարանների կանոնաւոր զարգացման վրայ. ձեռքերի մատների զարգացմանը պէտք է նպաստել զանազան նիւթերից իրեր շինել տալով. օրինակ՝ խորանարդ փայտիկներով զանազան շէնքեր, գոյնըզգոյն թղթից ձևեր և այլն:

Մանուկներին այդ հասակում աշխատութեան վարժեցնելով՝ մանկական պարտէզը բարոյական մեծ ազդեցութիւն կարող է ունենալ նրանց ապագայ կեանքի վրայ. երեխաները սովորում են աշխատութեան և դրանով միևնոյն ժամանակ սովորում են ճանաչել իրենց պարտքը և կատարել:

Երեխային պէտք է թոյլ տալ, որ ինքն ընտրէ իւր խաղը. ինչ որ ինքը հասկանում է՝ այն ձեռնարկէ, ինչ որ իրեն դուր է գալիս՝ նրանով զբաղուի—այդպիսով միայն կարող է

զարգանալ մանկան մէջ ստեղծագործութեան ոգին:

Նաօրեայ սովորական խաղալիքներից մանկական պարտիզի խաղերը նրանով են տարբերում, որ առաջինները միշտ միևնոյնն են մնում ամեն մի մանկան համար, իսկ ընդհակառակը մանկական պարտիզում միևնոյն խաղից, միևնոյն թղթից ու փայտից իւրաքանչիւր երեխայ տարբեր բաներ է շինում և այդպիսով ամեն մէկը ցոյց է տալիս իւր շնորհքն ու ընդունակութիւնը:

Մանկական պարտիզում մանուկն առարկաների հետ գործ ունենալով՝ վարժւում է գանաղանել նիւթի մեծութիւնը, ձևը, գոյնը, հաստութիւնը և այդպիսով զարգանում են նաև նրա տեսանկիւրն ու շօշափելիքը:

Փրէօքելեան ցանցը միջոց է տալիս արդէն չորս տարեկան երեխային խորանարդներով ու ձողիկներով շինել՝ աթոռ, սեղան, տուն, խաչ, կամուրջ, սանդուխտ. վերջը երեխան այդ ցանցի օգնութեամբ կարում, հիւսում, գծում և նկարում է հազար ու մի տեսակ իրեղէններ ու կենդանիներ և այդպէս իւր զգայարաններով ըմբռնածն աւելի ամրապնդում իւր մտքի մէջ:

Մանկական պարտէզն այդ խաղերով աշ-

խատում է ոչ միայն վարժեցնել մանկան զգայ-
արանները, այլ և կազմակերպում է նրա շե-
զուն և հարստացնում նրա գիտութեան պա-
շարը: Մանուկը սովորում է ուշադրութիւն
դարձնել առարկաների առանձնայատկութեան
վրայ. ամեն մի նոր առարկայ նրան տալիս՝
պէտք է նախ ծանօթացնել այդ առարկայի
յատկութիւնների հետ. օրինակ եթէ խորա-
նարդ ենք տալիս նրան, պէտք է նրա ուշա-
դրութիւնը դարձնենք այն հանդամանքի վրայ,
որ խորանարդը շինուած է փայտից, փայտը ստա-
նում ենք ծառից, ծառը բուսնում է և այլն.
խորանարդն ունի վեց երես, իւրաքանչիւր ե-
րեսն ունի չորս անկիւն և այլն: Նոյն կերպով
պէտք է ուսումնասիրել նաև խորանարդի միւս
յատկութիւնները — օրինակ գոյնը, ծանրութիւնն
ու մեծութիւնը և այլն: Այդպիսով երեխաներն
աննկատելի կերպով ձեռք են բերում գիտու-
թեանց տարրերը և կարողանում են իրենց սո-
վորածն առանց դժուարութեան՝ լեզուով ար-
տայայտել:

Մանկական պարտէզն օգուտ քաղելով ե-
րեխաների դէպի երգն ու հերթներն ունե-
ցած բնական հակումից ու սիրուց, առանձին
ուշադրութիւն է դարձնում նաև *ականջի* վար-
ժութեան վրայ:

Մանկական պարտիզի համարեան բոլոր
խաղերը կապակցւում են *Երգի հետ*:

Մանկական պարտէզն ընկերական կեանք
է ստեղծում երեխաների համար. և այդ մեծ
նշանակութիւն ունի նրանց դաստիարակու-
թեան համար, որովհետև երեխայի բնաւորու-
թիւնը միայն երեխաների մէջ կարող է կազ-
մակերպուել: Լաւ կազմակերպուած ընկերական
կեանքի մէջ կոպիտ բնաւորութիւնները՝ մեղմա-
նում են, հպարտները հեզանում — որովհետև
միջոց են ունենում՝ համեմատել իրենց անձը
ուրիշների հետ: Չպէտք է մոռանալ նաև այն
հանդամանքը, որ երեխաներն ինչպէս *բարին*,
նոյնպէս և *չարը* շուտով են ընդունում. նրանց
բնաւորութիւնը վատ հասարակութեան մէջ շատ
շուտ կարող է փշանալ. նրանց մէջ շատ շուտ
են արմատանում վատ ցանկութիւններն ու սո-
վորութիւնները — նա մանաւանդ տգէտ ծնող-
ների, ծառաների, աղախիւնների և փողոցային
երեխաների շրջանում. այդ տեսակէտից էլ ա-
հա մանկական պարտէզը բարերար և փրկա-
բար ազդեցութիւն կարող է ունենալ երեխա-
ների բարոյական զարգացման վրայ:

Մանկական պարտէզը խաղերով, փոքրիկ
և զուարճալի պատմութիւններով երեխաներին
հեշտ և հետաքրքիր եղանակով ծանօթացնում

է զանազան գիտութիւնների սկզբունքների հետ, սովորեցնում է կանոնաւոր խօսքի և պատմելու ձևերը, սովորեցնում է իրազննութեան, աշխատասիրութեան, ինքնուրոյնութեան, հնարագիտութեան և կարգապահութեան:

Մանկական պարտիզի զբաղմունքները դարձացնում են մանուկների բոլոր ընդունակութիւնները, զգայարանները, մարմինը:

Մանկական պարտիզի զբաղմունքներն երբէք ձանձրալի չպէտք է լինեն. խաղը, քայլերը, մարմնամարզութիւնն ու երգը թարմացնում և զուարճացնում են երեխաներին:

Մանկական պարտիզների հայր Փրօքելը երեխայի վրայ նայում է որպէս մի բոյսի վրայ, որ պէտք է խնամել և զարգացնել. նա երեխային շրջապատում է բնութեան զարդերով, ծառերով, կանաչով, ուր ամեն բան ժպտում է նրա երեսին և ուր նա կարող է զարգացնել իւր ընդունակութիւնները: Եթէ բոյսի նոր ծիլեր արձակելու ժամանակ լաւ չը խնամենք, ապագայում բոյսը կարող է անպէտքանալ, այնպէս էլ եթէ, երեխային մանկական հասակից արդէն մեր հոգատար խնամքին չենթարկենք, ապագայում կարող է շատ վատ յատկութիւնների տէր դառնալ և անխնամ

թողնուած բոյսի նման անպէտքանալ՝ թէ բարոյապէս և թէ՛ ֆիզիկապէս:

Ահա այս սկզբունքներով ղեկավարուած ծաղկոցը մենք համարում ենք վերին աստիճանի օգտակար հիմնարկութիւն և ցանկալի համարում, որ այդպիսի դպրոցների թիւը բազմանայ և հայ ընտանիքներին օժանդակէ՝ մանուկներին դաստիարակելու բարոյական սկզբունքներով: Գործի յաջողութեան համար հարկաւ ամենակարևոր հանգամանքն այն է, որ ծաղկոցի ղեկավարը մասնագէտ և հմուտ անձն լինի. հակառակ դէպքում երեխաները կտուժեն:





ԻՍԸ ՀԱԿ ՅԱՐՈՒԹՒՒՆՆԵՐՆԵՐ

Թարգմանութիւնները

1. ՊԵՏԱԿԱՆՑՅԻ. ԼինՏարդ և Գերարուզ. վէպ
զինն է 1 ր. 50 կ.
2. ՀՈՒՔՍԼԷՅ (Գէքսլի) Տարերբ բնական գիտու-
թեանց զինն է 40 կ.
3. Գ. ՆԱՌԻՄԱՆ. Էրզրում: զինն է 15 կ.
4. Ե. ՍՊԻՐԻ. Վարդ Րեսլինա զինն է 10 կ.
5. > Ուռնեց Յովսէփ. զինն է 15 կ.
6. > Ելծարած Մօնի. զինն է 15 կ.
7. > Ելպեան Հովիւ. զինն է 20 կ.
8. > Հայրենազուրկ. զինն է 50 կ.
9. ԵՕԿԸՅԻ. Ուրացողը. զինն է 20 կ.

Մամուլի տակն է.

10. ՊՐՕՖ. ՌԱՏՑԵԼ. Տարերբ ալգաբրութեան:

Աշխատանք. Գի'ղները ճանապարհած. շէն վճարու-
հացին՝ Армянская Семинария Нерсисянь. Исааку
Арутюнянцъ կամ, Бебутовская (Садовая) № 38.

ՀՀ Ազգային գրադարան



NL0235281

ՆՈՐ ՄԱՏԵՆԵՂԱՐԵՆ

1. Խուլ Խաչիկ պատմական վեպիկ. Քամա-
լեանց Ս. 1894 — 25
2. Փերիզազէի երգը, Փոքր Ասիայի կեան-
քից, Թարգմ. Յ. Լալայեանց 1894 . . . — 25
3. Ղարիբ մշտի պատկ. տաճկահայ, ներկայ
կեանքից 1894 — 10
4. Հուրոյէյ. Տաբերը ընական գիտու-
թեանց. Ժողովրդ. ընթերցանութեան Հա-
մար գերմ. Թարգմ. Իս. Յարութիւնեանց
1894 — 40
5. Վահան Մամիկոնեան. Ճաղարբէզ. Յ.
1894 — 40
6. Այգեան Հովիւ, գերմ. Թ. Իս. Յարութիւ-
նեանց 1895 — 20
7. Հայրենագործի, գերմ. Թարգմ. Իս. Յարու-
թիւնեանց 1896 — 50
8. Գիւղական վարժուհի, Զիամպոյիի, Թարգ-
մ. Մեղիք Աղամեանի 1897 — 25
9. Հոֆման. Զինուոր Յակոբ, գերմ. Թ. Տիր.
Աոստանեան 1897 — 7
10. « Աեանքի դպրոց, գերմ. Թարգ-
մ. Տիր. Աոստանեանց 1897 — 10
11. Յուզայի վերջին զիշերը. Թարգմ. Աբր.
բաճ. Շիւնեանց. 1898 — 7
12. Իս. Յարութիւնեան. Ծաղկոց. 1901 . . . — 10

ԳԻՆՆ Է 10 ԿՈՊԵԿ